

Zesu - Mwan

1:1

ZESU -O ZAN -WAANBHAA' A YE 'E ZISANLE GALILE 'TRE TA

Mɛɛ Wiinjfe' Mi Zaan -o Zesu 'nuza- 'lɛɛjanwo 'zi

(Matie 3.1-12; Luki 3.1-18)

1 -Waanbhaa' Gbe Zesu Kisi ma -Jan -Nrɛle' 'ɛ zisaan- gɔnɛ- 'lɛɛ- 'bhɛɛ- gbɛɛn-.

1:14-15

ZESU -O -WAANBHAA' YE 'E 'WO ZII' GALILE 'TRE TA

Zesu -o -Jan 'Nrɛle- 'ɛ 'wo zii' Galile 'trɛ ta

(Matie 4.12-22; Luki 4.14-15; 5.1-11)

14 -O Mɛɛ Wiinjfe' Mi Zaan 'kunle-, 'bhɛɛ- -o yanle -a bolele -kaso 'yi, 'ke Zesu gele- -Waanbhaa' a -Jan 'Nrɛle- 'ɛ 'wole- Galile 'trɛ 'ɛ ta.

15 -E -yaa -jan 'lɛɛ- 'bhɛɛ- 'wo zii' mɛɛ mu 'ɛ ni dɔɔ: «'Waati 'ɛ 'leswaɛ, -Waanbhaa' a -bhɛɛgbɛya 'ɛ -bhwa 'ka -din, -ka 'ka zru niina- 'ke 'ka 'plo- -za 'yɔɔ- klele ma, 'bhɛɛ- -ka 'ka 'kpa -Jan 'Nrɛle- 'ɛ 'yi.»

1:21-27

Zesu lii -yɔɔ' -gbian mɛɛ do zi

(Luki 4.31-37)

21 'Bhɛ blaɛn, 'ke Zesu 'pegee -yaa' *-kɛɛɛlanɛ mu 'ɛ -o gele- Kapɛnɔmu -wa 'ɛ ta. 'Bhɛɛ- -yitrɛ' yi 'ɛ 'bhɔle-, 'kee- gele wlale Zuufu mu a daanfɛ' 'ɛ -la. 'Bhɛɛ- 'kee- mɛɛ mu 'ɛ daanfɛ 'sanle.

22 Mɛɛ 'la zan -yaa 'mu 'trɔnkpa zii' -a ni, -e 'mu 'kpeɛɛnia 'mu ma -yaa' mɛɛ daangbɛya 'ɛ 'le. - Amasɔyi yaa -yaa -o daan 'zi 'bhii- *'Toŋ Daan mu 'ɛ -waa' mɛɛ daangbɛya 'ɛ gbɛɛn-, 'duŋ- -e -yaa -o daan 'zi 'bhii- 'seŋ -o mɛɛ 'la zan 'kɔɔ.

23 'Bhɛ yrɛ do 'ɛ -nɔɔ bhe, 'ke lii -yɔɔ' zan do 'pwele -a -yi -o plɛŋ- Zuufu mu a daanfɛ' 'ɛ -la, 'bhɛɛ- 'ke 'bhɛ -gbɛkanle 'sanle 'kree 'ke 'bhɛ 'a pe dɔɔ:

24 «-Mɛɛ 'o mɔɔ 'pegee 'bhi 'plɛŋ- Nazareti mi Zesu? 'E -nwa 'o 'niyrɛ- -la nɔɔ- ɛɛ? Mi 'ɛ dɔ kpataakpa, 'bhi -le 'ke Mɛɛ 'Wɛŋ 'la -daa -Waanbhaa' ba 'bhɛ 'le!»

25 Zesu 'pɛɛnna- 'yee- lii -yɔɔ' 'ɛ ta dɔɔ: «'E taga, 'bhɛɛ- 'e go mɛɛ 'lɛɛ- zi 'saanibhe!»

26 'Bhɛ klele 'tɛ, lii -yɔɔ' 'ɛ go bhla 'ɛ zi, 'kee- mɛɛ 'ɛ bɛɛnle- -kpakpa 'kee- -gbɛkanle 'egɔɔɔle.

27 Mɛɛ mu 'ɛ -o 'kpen 'liibhaala -o ma, 'fɔke -woo 'eke- -lɔɔkpale -saan dɔɔ: «-Mɛ pe -za -le -gee'

εε? -Με πε μεε daangbeyā dree 'ε -dele -gee' 'sej 'le! 'Ali- -a drōōn' -janwo' lii -yōō' mu ni fanjan-
ma, 'bhεε 'mu 'a 'weli- ma!»

1:32-34

Zesu gadε mu -bebe -bheela

32 'Bhe yroma 'ε zi, -yretebhε baale' blaān, 'ke -waa' -wa 'ε ta mu 'ε 'nule -waa' gadε mu 'ε 'kpen
'pegee 'zina mu 'yaa- μεε mu 'la zan zi 'mu 'le Zesu ni.

33 -Wa 'ε ta mu 'ε 'kpen -o -lekpaā 'fe 'ε 'le ma.

34 -Ga -glōōn 'oo ga -glōōn 'la 'yaa- μεε mu 'ε ma, Zesu 'mu 'kpen 'bheela- 'Bhεε- 'ezin-, -e 'zina -
bebe -gbian μεε mu zi, yaa -yaa dō 'zi 'a -la 'ke 'zina mu 'ε -janwo' yre -srōōwo' -a 'kōō, -amasrōōyi -
e -yaa 'ke μεε -glōōn 'la 'le 'mu 'yaa- 'bhe dō.

2:1-12

Zesu -flugba do -bheela

(Matie 9.1-8; Luki 5.17-26)

1 -Yrekpaā 'dama 'kanle- blaān, 'ke Zesu 'nule 'ezin- Kapenōmu. Μεε mu 'ε -wa male 'kaa -yoo 'fe
'le ma,

2 'ke μεε 'srε 'lεdo- nule- -o 'lekpaε 'eke- ta 'fe 'ε -la -a zi, -asiikōō 'kanyre- laa -yaa sō -srōōwole 'fe
'ε 'lii. 'Bhεε- Zesu 'yaa- -Waanbhaa' a -jan 'ε 'wo zii' -o ni.

3 'Bhe =nōō bhe, 'ke μεε yizie nule- -flugba do 'le -a ba yrō do 'yi.

4 'Bhe μεε mu 'ε waa 'sōle- gele- 'tenle- Zesu ma -trεε, 'ke -wa zrōn 'bhe ni -zamaa' 'ε 'kōō. 'Bhεla- -
yile, 'ke -woo wlayre do klele- 'yee- Zesu 'yaa- 'fe 'la -la 'bhe 'wiin-. 'Bhεε- 'ke -o -flugba' 'ε 'pegee -a
'yila- yrō 'ε zinalε 'bhe yre 'ε =nōō bhle ma.

5 Zesu 'a 'yele- 'bhii- -woo -kpaā -a 'yi, 'bhii- -e sō -flugba 'ε 'bheele, 'ke -ya 'pele 'yee- -flugba 'ε ni
'kaa: «'Ij 'ne, 'ij 'yaa- -za 'yōō- mu 'ε -sroma -yaan.»

6 'Bhe =nōō bhe, 'Toj daan mu 'la 'yaale- -yaa 'fe 'ε -la -zamaa' 'ε 'plej- 'ke 'mu 'a pele- 'mu 'kpee 'te
dō:

7 «-Mele -kla 'bhεε- 'gwlaan- 'lεε- -yoo -janwo' zii' -gee' εε? -E -Waanbhaa' 'tōsie ma jan -la wo 'zi
bhe. Bhaaplej 'ε -de 'gbu -le sō μεε mu a -za 'yōō- mu -sroma 'yanle 'ke ya 'ε go -Waanbhaa' do -
kplen ba εε?»

8 'Bhe yre do 'ε =nōō bhe, 'ke Zesu -o 'kpeejan- 'ε dōle-. 'Bhεε- 'ke -ya pele- -o ni 'kaa: «-Mele -kla
'ka -o 'bhe -jan -glōōn 'ε dan 'zi 'ka 'kpee εε?

9 'Woo- -za ple 'gbu 'lεε- -o -dele 'edile εε, -a pele -flugba 'ε ni dōō 'ij -yaa' -za 'yōō mu 'ε -sroma -
yaan taa- -a pele -a ni dōō -ya -wlεn εε, 'bhεε- -e 'taawo- εε?

10 'Duη- 'ij 'yoo- -a zi 'kaa- 'yaango- 'bhii- -za 'yōō- mu -sroma 'yan 'sej -o 'mi Bhaaplej Gbe 'ε ni
'trε 'ε ta -gε.» 'Bhe 'yi 'ke -ya pele- -flugba' 'ε ni dōō:

11 «'Mi 'gbu pe ni dōō: 'E 'wlεn-, 'e 'yila- yrō 'ε 'si, 'bhεε- ge 'ε ba -le ma!»

12 'Bhe yre do 'e -nɔɔ bhe, 'ke -flugba 'e -ya -wɛnle', 'ke -ya yila- yɔɔ 'e binale, 'bhe- 'kee- 'pwele mɔkpen' 'yre ma. -O 'kpen 'liibhaa gbɛ -yɔɔ 'e 'kɔɔ -o ma 'ke -o -Waanbhaa' 'tɔbhɔle, 'ke -wa pe dɔɔ: «'Waa 'bhe -za 'lɛɛ 'bhe 'yansi kleyre yeɛ -lido'.»

4:35-41

Zesu -ploo -gbene 'e makpalaa

(Matie 8.23-27; Luki 8.22-25)

35 'Bhe -yrekpaa' do 'e 'le yroma 'e zi, Zesu pe -yaa' *-kɔɔlanɛ mu 'e ni dɔɔ: «-Kɔɔ' kan -draa 'yre gbɛ do 'e ta.»

36 -O -gwa -zamaa' 'e -din bhla 'la ba, 'yee- Zesu 'yaale- -yaa gban -yitakonɔ 'la yi, -yaa' -kɔɔlanɛ mu 'e -ja 'kele- 'bhe- -yitakonɔ do 'kɔɔ 'e 'bhe- 'yi. -Yitakonɔ 'bheɛke mu -yaa ge 'zi -o zi 'ezin-.

37 -O -yaa 'bhe 'yi bhe 'tɛ, 'ke -ploo -gbene do 'kanle- 'sanle, 'bhe- 'bhe 'yaa- -yipɔɔ' mu 'e 'kla zii' -yitakonɔ 'e 'yi, -asiikɔɔ 'bhe 'yaa- zan 'palɛ- 'ke -yi 'e' le.

38 'Bhe bhla 'e ba, Zesu 'yaa- yide 'zi -yitakonɔ 'e 'yi -o -zanta', ɔgblo 'kpa -piti 'e ta. -Wa bwele 'tɛ, 'ke -wa pele- -a ni 'kaa: «'O daan mi, 'woo- zan galawole -yi 'e ba, 'yaa 'bhe yiɛnkan ɛɛ?»

39 Zesu bwele 'tɛ, 'kee- -yranle' -ploo 'e zi, 'bhe- 'ke -ya pele- -draa 'yi 'e ni dɔɔ: «'Bhe 'swa- 'bhe 'yi -gee', 'kपाला!» 'Bhe klele 'tɛ, 'ke -ploo 'kanle- 'e dulale, 'bhe- 'ke pe 'e 'kpen 'kpaale siɔɔ.

40 'Bhe- Zesu pe -yaa' -kɔɔlanɛ mu 'e ni dɔɔ: «-Mele -kla 'bhe- 'ka -o -gblaan 'zi -gee' ɛɛ? -E -kla 'nale- 'bhe- 'ka 'laa 'ka kpa 'mi 'yi ɛɛ?»

41 'Bhe -nɔɔ bhe, 'ke -gblaan -gbene do 'klale -yaa' -kɔɔlanɛ mu 'e 'yi, 'bhe- 'ke -wa pele- 'eke- ni dɔɔ: «'E! Mɛɛ -gɔɔɔn 'e -dele mɛɛ 'lɛɛ- 'le ɛɛ? 'Ali- -ploo 'pegee 'yi 'mu 'kpen 'a 'weli- ma.»

5:22-24

22 'Bhe klele 'tɛ, 'ke Zuufu mu daanfe' 'e -la -kuɔɔlii' mu 'e do nule-, -o -yaa 'bhe sii Zailusi. 'Bhe Zesu 'yele-, 'kee- baale' 'bhe gaan ma.

23 'Bhe- 'ke 'bhe -sromabɔle 'yee- Zesu ni dɔɔ: «'I' 'lune 'e 'le -o zan 'kpaale-, nu ge 'ɔɔ ba, 'bhe- 'yee- gbɛ 'kpa -a ma, 'kooko- -e bhe.»

24 'Bhe 'yi 'tɛ, 'ke -o 'pegee Zesu gele- 'eke- zi -a ba -le ma. -O -yaa ge 'zi bhla 'la ba -a ba -le ma, -zamaa' 'sre do 'la dɔle -yaa -a zi 'mu 'yaa- 'klin zii' 'eke- ta gbɛ 'e 'kpen zi -a ma.

5:35-42

35 Zesu 'yaa- 'bhe -jan 'e 'wo zii' bhla 'la ba, 'ke mɛɛ 'ke mu dale- Zuufu mu daanfe' 'e -kuɔɔlii' Zailusi ba -le ma, 'bhe- 'ke -wa pele- -a ni dɔɔ: «'E 'lune 'e -kla 'ke siele', 'yaa -kɔɔ' daan mi 'e 'trebhɔle 'ezin-.»

36 'Duɔɔ- Zesu 'laa 'bhe -jan 'e bɔle -kɔɔsi 'yi, 'ke -ya pele- Zuufu mu daanfe' -kuɔɔlii 'e ni dɔɔ: «'Yaa -gblaanle', 'e 'kpa 'mi 'yi dɔɔɔ.»

37 -O ge bhla 'e zi 'yee- Zuufu mu daanfe' -kuɔɔlii 'e ba, Zesu 'laa dɔle -a -la 'ke mɛɛ 'kedo- 'kɔɔ ge -o zi, 'ke ya 'e go Piɛri, 'bhe- Zaki 'pegee 'bhe 'nwagwɛn- Zaan ba.

38 -O bhōle Zuufu mu daanfē' -kuṅlii 'e ba, 'ke Zesu -zamaa' do yele- 'ke -woo -we 'zi 'zoozoo-, 'bhe 'pegee mēe 'ke mu -yaa wisi' zii' 'ke -o -gbekan' 'eglwōle.

39 -E wlale 'fē 'e -la, 'ke -ya pele- -o ni dō: «-Mēle -kla 'bhē- 'ka -o -we 'zi -gee' 'zoozoo- ēē, 'bhē- 'ka -o wisi' zii' ēē? -Nē 'e yaa galē, -yoo yi pla.»

40 'Bhe klele 'tē, 'ke 'bhe mēe mu 'e 'sōnsile Zesu ma. -Ayile, 'ke -yoo 'kpen 'pwele 'pēlii-. 'Kee- -nē de 'pegee -nē 'e nēē, 'bhē- mēe 'la zan mu -nwa -a zi 'mu 'te -la 'tole 'a zi. 'Bhē- 'ke -o gele- -nē gbaa 'e 'yilayre 'e -nō.

41 -E -nē 'e -kwan 'bhe gbē ma 'ke -ya 'siile 'kaa: «*Talita kumi!*» 'Bhe 'yile-: «-Gblanē, 'mi pe 'e ni dō 'e 'wlen-!»

42 'Bhe yre do 'kpō 'e -nō bhe, 'ke -gblanē 'e bwele- gale ba, 'ke -ya -wlenle', 'bhē- 'kee- 'taawole 'sanle. -A lēē -yaa vu ta plē. Mēe mu 'e -o -gblanē 'e bwele yele gale ba, 'ke -o liibhaale -o ma 'kee- kan a -daṅ' ta.

7:18-23

18 'Bhe klele 'tē, 'ke Zesu 'a 'pele -o ni dō: «'Ka mu 'ezin-, 'ka mu laa 'bhe 'yima- ēē? 'Ka mu 'laa 'yaango- 'bhii- 'pēlii- pē 'kedo- 'kpō 'laa sō wlale- mēe 'kpee 'bhē- -ya 'kpee 'triṅdō- ēē?

19 -Amasrōyi, pele laa wla mēe zru 'e 'yi, -e ge mēe vi 'e 'bhē- 'yi; 'bhē- -e kle 'ke blinpe 'le boolazi.» (Zesu 'bhe -jan 'lēē- 'woa- win 'la ma 'bhe 'yi -le dō: Mēe sō pele 'tole- pē 'bhe 'bhlele.)

20 -E pe -o ni 'ezin- dō: «Pē 'la mēe 'kpee 'triṅdō- -Waanbhaa' -yre 'yi, 'bhe da 'e 'gbu zru 'e 'bhē- 'yi.

21 -Amasrōyi, 'kpeejan- -yō' mu 'e 'kpen da bhaapleṅ 'gbu zru 'e 'bhē- 'yi 'bhii- 'ke mu 'lēē gbēen-: 'joo 'yō- oo, -faan zru oo, mēe de zru oo,

22 -yanbhōya zru oo, -naflo zru oo, yienya oo, -dawliya oo, 'taawogbeya -yō' oo, zranwole oo, mēe 'tōsiele oo, 'e 'gbu magbaandele oo, 'bhe 'pegee -zadōkleya.

23 'Bhe -za 'yō- mu 'la bhe, 'mu -la 'kpen da mēe zru 'e 'yi, 'bhē- 'mu -le mēe 'kpee 'triṅdō-»

9:2-8

2 -Yrekpaa' 'srwado- 'kanle- blaana, 'ke Zesu Pieri 'bhē- Zaki 'pegee Zaan 'sile, 'ke -o gele- 'edanma vle gōon 'trole- do wiṅ-, 'bhē- 'ke -ya dōgbeya 'e mabōole 'mu 'yre ma.

3 -A ta dune- mu 'e 'fleela- 'epu 'penpenle. -O -kla 'epule gōne- 'la gbēen-, 'bhe mēe laa -srōwo' 'trē 'lēē- ta -gē 'ke 'bhe sō sō 'fele 'bhē- -ya fleē 'bhii- -a ta dune- mu 'e 'fleegbeya 'e gbēen-.

4 'Bhe yre do 'e -nō bhe, -yaa' *-klanlana yaga 'e 'mu 'elwaleta -Waanbhaa' -lela' janwo mi plē -ya, Eli 'pegee *Moizi 'ke -woo -balo kle 'zi Zesu 'le.

5 'Bhe klele 'tē, 'ke Pieri 'a 'pele Zesu ni: «'O Daan mi, 'o klawoa -gē 'bhe 'lrela- 'dē. 'O nu 'kpaane yaga dōle, 'bhi a pē do, Moizi a pē do, 'bhē- Eli -a pē do.»

6 Wlan 'e ni, -e -yaa -jan yeke- 'gbu 'la wo, yaa -yaa 'bhe dō, -amasrōyi -gblaana -yaa 'yee- 'pegee -klanlana -vin plē 'e -o -yi.

7 Lafle' -gblen do -nwa -o trala, 'bhē- 'bhe lii 'e -kpaana -o ta. 'Ke -weli' do dale- 'bhe lafle' -gblen 'e

'yi 'ke 'bhe 'a pele- dɔɔ: «'ŋ Gbe 'la -za sɔ 'ŋ ni 'egbenele 'yele- -ge, -ka 'ka 'trɔnbado -a ni 'elrele!»
8 'Bhe yre do 'e -nɔɔ bhe, 'ke -yaa' -kɔɔlanɛ mu 'e -woo -yre 'mlɔngole -o 'zi, 'bhe- waa mɛɛ 'kedo-
'kpɔ 'yele- 'ezin-, 'ke yaa 'e go Zesu do -kplɛn ba.

12:28-31

'Toŋ 'la -za 'gbu -o 'egɔɔle -Waanbhaa' -yre 'yi

(Matie 22.34-40; Luki 10.25-28)

28 'Toŋ daan mi do Zesu 'pegee 'woo- mɛɛ mu 'e -waa' zaabɔ wli 'e -maa. 'Bhe 'a -ya 'bhii- Zesu -
jan 'e 'lekwan- 'elrele Saduse mu 'e ni. 'Bhe- 'ke 'bhe 'e 'mabeɛnle Zesu -din, 'ke 'bhe 'a 'Iɔɔkpale 'tɛ
dɔɔ: «'Toŋ 'e -dela -za 'gbu -o 'egɔɔle -o 'kpɛn ba ɛɛ?»

29 Zesu 'a zikpaa- -a ni dɔɔ: «'Toŋ 'la 'bhe -za 'gbu -o 'egɔɔle 'bhe -le -ge: 'Izraeli mɛɛ mu, -ka 'ka
'trɔnbado doo, Mɛɛzan -kɔɔa' -Waanbhaa' 'e, 'bhe -le 'ke Mɛɛzan do -kplɛn 'le.

30 'Yaa- Mɛɛzan -Waanbhaa 'e, -za 'sɔ 'e ni 'e zru oo, 'e 'nii- oo, 'e 'kpeejan- oo, 'bhe 'pegee 'e
fanɔan- 'e 'kpɛn 'le.»

31 'Toŋ 'la 'bhe ten 'bhe zi 'bhe -le -ge: 'E -vindo' mi -za 'sɔ 'e ni 'bhii- 'e 'gbu -za sɔ 'e 'gbu ni gɔɔɛ-
'la gbɛɛn- bhe.» 'Toŋ 'bheke -za 'laa -o 'egɔɔle 'ke 'bhe kan 'bhe 'toŋ plɛ 'la bhe 'mu ta.»

14:10-11

Zudasi -o -a zi 'bhii- -e Zesu 'lena 'sraka 'lena -kuŋlii mu 'e ni

(Matie 26.14-16; Luki 22.3-6)

10 Zesu a -kɔɔlanɛ vu ta plɛ mi 'la -o -yaa 'bhe sii Zuda Isikarioti -ja 'tenle- 'Sraka 'lena -kuŋlii mu
'e ma, 'ke -ya pele- 'mu ni dɔɔ -ya zi 'bhii- -e Zesu 'lena -o ni.

11 'Bhe -jan 'e -swa 'mu ni 'egbenele, -ayile 'ke 'mu 'a 'pele a ni dɔɔ 'mu nu -gɔli' 'nale- -a ni. -A 'san
'bhe yi 'e ma, Zudasi gbɛ -yaa nu 'sɔle- Zesu 'kunle- ta gɔɔɛ- 'la gbɛɛn-, -e -yaa 'bhe- kle bhla -
Irele' 'e -glin 'zi.

14:44-46

44 'Yee- Zuda 'la -kla Zesu 'lena mi 'le mɛɛ mu 'e ni, -e Zesu 'kungbeya -tɔɔmasie do -zrɔnna Zesu
'kun mu 'e ni dɔɔ: «'Ke 'ŋ mɛɛ 'la zan -tuubwa 'yele- 'kele-. -Kaa 'kun 'bhe- 'ka ge 'kele-, 'duŋ- -ka
'ka 'yreka 'a ba 'elrele!»

45 Zuda nule 'tɛ, 'ke -ya mabeɛnle -gun Zesu -din, 'bhe- 'ke -ya pele- 'bhe ni dɔɔ: «'O Daan mi!»
'Bhe klele 'tɛ, 'kee- Zesu -tuubole.

46 'Bhe klele 'tɛ, 'ke mɛɛ mu 'e -o Zesu 'kunle.

15:6-15

-O Zesu de -kpan -balaa' 'a ta

(Matie 27.15-26; Luki 23.13-25; Zaan 18.39-19.16)

6 Lɛɛ 'oo lɛɛ, Zuufu mu a Paki 'feti 'ɛ ta, Pilati -yaa ploɔ -kaso 'yi mi do ma. 'Ke -zamaa' 'yaa - kaso 'yi mi 'la 'yrewo- -a ma, -e -yaa ploɔ 'bhɛɛ- ma -o ni.

7 'Bhɛ klegbeya do 'ɛ 'yi, -o -yaa -kaso 'yi mi do sii Barabasi. -O 'bhɛ 'pegee 'bhɛ -vin -kala' mɛɛ 'ke mu -bwa -kaso 'yi, -amasɔyi -o -wlɛnna Romɛ mu 'ɛ ma, 'bhɛɛ- -o mɛɛ do -dia.

8 -Zamaa' 'ɛ -ja Pilati ba -lɛ ma, 'ke -o -sromabɔlɛ 'sanle -a ni dɔɔ -e 'ploɔ- -kaso 'yi mi do ma -o ni 'bhii- -e -yaa dɔ -a klele -la -o ni gɔnɛ- 'la gbɛɛn- lɛɛ 'oo lɛɛ.

9 'Bhɛ 'yi 'tɛ, Pilati -o -lɔkpaɔ dɔɔ: «Kaa- zi 'bhii- 'ɲ 'ploɔ- Zuufu mu a -bhleɲgbe 'ɛ ma 'ka ni ɛɛ?»

10 'Yee- Pilati 'gbu 'yaa- 'yaango- 'bhii- 'sraka 'lɛna -kunlii mu 'ɛ -o Zesu 'lɛna- -a ni, -amasɔyi -o -yaa zranwo 'zi -a ba.

11 'Duɲ- 'sraka 'lɛna -kunlii mu 'ɛ -wa -wlaa -zamaa' 'ɛ zi dɔɔ -o -sromabɔ Pilati ni 'kaa 'bhɛ 'ploɔ- Barabasi -la ma -o ni, 'bhɛɛ- 'bhɛ 'laa 'ploolɛ- Zesu ma.

12 Pilati -zamaa' 'ɛ 'lɔkpa gbe dɛɛwoa- 'ezin- dɔɔ: «Kaa- zi 'bhii- 'ɲ -mɛ za -la kle 'ka mɛɛ 'la zan sii -Zuufu mu a -bhleɲgbe' 'bhɛ ni ɛɛ?»

13 -O -pɛɛnna 'eke- zi dɔɔ: «-A gbaan -yriɲgɛɛle do ta, 'bhɛɛ- -e ga!»

14 Pilati pe -o ni 'kaa: «-E -za 'yɔɔ- -glɔɔn 'ɛ -dela -kla ɛɛ?» 'Duɲ- -o -pɛɛnna 'eglɔɔle 'ezin- dɔɔ: «-A gbaan -yriɲgɛɛle do ta, 'bhɛɛ- -e ga!»

15 'Bhɛ -nɔɔ bhɛ 'tɛ, Pilati -yaa zi 'bhii- -e -zamaa' 'ɛ zru maza kle, -ayile, 'kee- 'ploole Barabasi ma -o ni 'tɛ. 'Bhɛɛ- -ya -kla 'bhɛɛ- -o Zesu zita -zwan 'ke gbanɲhle 'le, 'bhɛɛ- -e 'bhɛ -kpaɔ -srwase' mu 'kɔɔ 'kaa -o ge -a gbaan -yriɲgɛɛle do ta.

15:33-39

Zesu gayɛ

(Matie 27.45-56; Luki 23.44-49; Zaan 19.28-30)

33 'Kee- san -yrekpaɔ' ma, 'kee- ge 'tɛnlɛ- yromazi -yretɛbhɛ yanyan 'ɛ 'le (trwazɛɛ 'waati 'ɛ ba), - gblo -kpaɔ 'trɛ 'ɛ 'kɛn ta.

34 'Bhɛɛ- yromazi -yretɛbhɛ yanyan 'ɛ 'bhɔle- 'tɛ, 'ke Zesu -gbekanle 'eglɔɔle 'ke -ya pe dɔɔ: «*Eloi, Eloi, lama sabatani!*» 'Bhɛ 'yile- 'kaa: «'An -Waanbhaa', 'an -Waanbhaa', -mɛle -kla 'ye 'ɲ do - kplɛnnɛ' -twa -nɔɔ ɛɛ?»

35 Mɛɛ 'la zan mu dulale -yaa 'bhɛ yɛ 'ɛ -nɔɔ 'bhɛ 'waati 'ɛ ba, 'mu 'a -gbekanwli 'ɛ 'male-, 'ke 'mu 'a 'pele dɔɔ: «-Ka 'ka 'trɔnbado doo, -yoo Eli 'sii zii' 'kaa 'bhɛ 'nu 'bhɔ 'a ba!»

36 'Bhɛ klele 'tɛ, 'ke -o do blasanle, 'kee- -gblaɲluu' -fɔlu' -fɔlu' do 'sile, 'bhɛ 'yaa- 'bhii- -nɛ 'yientɛnnɛ mu 'fɛ -gblaɲluu' do gbɛɛn-. -E 'bhɛ -wlaa -dɔɔ 'tɔnlɛ- do ba, 'kee- 'bhɛ 'yɛle toɲɔ do yin 'lii, 'bhɛɛ- 'kee- 'bhɛ dɔle- Zesu ta 'kaa 'bhɛ 'bhɛ mi, 'ke -ya pele- 'kaa: «'Kɔɔ- dula- doo, -dɔke' - kɔɔ' nu Eli 'yɛle- 'ke 'bhɛ -o -a zina- 'zi -yriɲgɛɛle 'ɛ ta ool!»

37 'Duɲ- Zesu -gbekaan 'eglɔɔle, 'bhɛɛ- 'ke -a nii- 'ɛ gole- -a -yi.

38 'Bhɛ 'waati do 'ɛ ba, sɔgbɛ -gbɛnɛ 'la 'yaa- -Waanbhaa' Gba 'Fɛ -Gbɛnɛ 'kpee 'ɛ 'yicien- ple, 'ke

'bhe 'peedele ple 'kee- san laanima 'bhe- 'kee- nu 'tenle- 'traa.

39 Romε mu a -srwase' mu -kunjlii 'la 'leklale -yaa Zesu ba -yre ta, 'bhe 'a gagbeyā 'e 'yele-, 'ke 'bhe 'a 'pele 'kaa: «Wlan 'gbu 'e ni, 'yee- mεε 'lεε- 'yaa- 'ke -Waanbhaa' Gbe 'gbu 'e 'le kpataakpa!»

15:42-46

Zesu binyre

(Matie 27.57-61; Luki 23.50-56; Zaan 19.38-42)

42 Yromazi -bhwa gban. 'Bhe yi 'e 'yaa- Zuufu mu a -yitre' yi 'e 'lemagaan yi 'le.

43 -Ayile, yromazi -fitrii' 'kpa bhla 'e ba, 'ke Arimate mi Zozefu 'nule. Mɔkpen' 'yaa- -gasikpa 'yee- Zozefu 'e 'lεε, 'bhe- -e -yaa 'ezin- Zuufu mu a 'kitikan mεε gbalaan mu -ledo' 'e ba. 'Yee- 'gbu 'yri 'yaa- Waanbhaa' a -bhleḡbeyā 'e 'bhe bhla 'e ta. 'Bhela- -yile, -ya zru dɔle- 'egbɔle, 'kee- gele- Zesu gbaa 'e 'yrewole Pilati ma, 'kaa -e gele- 'bhe binle.

44 Zesu galawoa -gun blaale-, 'bhe 'yee- Pilati 'kpeelēnia -a ma. 'Bhe 'yi 'tε, 'kee- mεε winbɔle -srwase' mu -kunjlii 'e 'siyre- -nɔɔ. 'Bhe 'nule-, 'kee- 'bhe -lrɔkpale dɔɔ: «Zesu gale 'e -nɔɔ -mwa gban εε?»

45 'Bhe klele 'tε, 'ke -srwase' -kunjlii 'e -ya -lekunle 'a ni dɔɔ -a gale 'e -nɔɔ -mwa gban. 'Bhe 'yi 'tε, 'ke -ya pele- Arimate mi Zozefu ni 'kaa 'bhe ge Zesu gbaa 'e 'si.

46 'Yee- Zozefu 'gbu sɔ 'pu do -lwa. -E yanle Zesu gbaa 'e golele -yrigbεεle 'e ta, 'kee- 'bhe sɔ 'e 'kpale Zesu gbaa 'e ma. 'Bhe- -e bu -gluu 'la 'kwleela- 'elwale gban -sɔ vle 'e 'yi, 'kee- gele- Zesu gbaa 'e 'kpaale- 'bhe 'yi. -E yanle -a 'kpaalele 'bhe 'yi, 'kee- vle -kpuḡ -gbene do -bhlile', 'bhe- 'kee- bu 'e 'liitanle 'bhe 'le.

16:1-7

Zesu bweyre gale ba

(Matie 28.1-8; Luki 24.1-12; Zaan 20.1-10)

1 -Yitre' yi 'e 'kanle- blaan, Mari 'la 'yaa- da Magidala -wa 'e ta, 'bhe 'pegee Zaki 'pegee Salome nεε Mari, -o gbaa ma 'sro -yrɔn -gblen 'nrāle- 'ke mu -lwa, 'kooko- -o ge Zesu gbaa 'e masrole 'mu 'le.

2 'Kangɔple 'e ma zrwān 'tutu 'e zi, -yretεbhe -wlen bhla 'e ba, 'ke -o gele- bu 'e taglinyre-nɔɔ.

3 -O ge bhla 'e zi, -o -yaa pe 'zi 'eke- ni dɔɔ: «Dele nu vle -kpuḡ 'e 'bhlile- -kɔɔ' ni, 'bhe- -ya go bu -gluu 'e 'lii εε?»

4 -O bhɔle Zesu bu 'e -din, -wa taglinle, 'ke -o vle -kpuḡ -gbene 'e 'bhlile- ye- -a 'lii 'e -gɔma'.

5 'Bhe klele 'tε, 'ke -o gele- wlale bu -gluu 'e zi, 'ke -o -zwanne do yaale ye- -o gbe -yie' ta, dune- 'pu 'peḡpeḡ gbɔɔn do -yaa 'bhe ta, 'bhe- 'ke -o 'klale -o 'gbu ta -gbalaan -gbene 'e 'kɔɔ.

6 'Duḡ- 'bhe pe -o ni dɔɔ: «Ka 'laa -gbalaanle, -o Nazareti mi Zesu 'la -gbaanna -yrigbεεle 'e ta, 'ka -o 'bhe- -glin zii' εε? -E -bwela gale ba, yaa -o -li -ge, -ka 'ka 'yrekpa -a gbaa 'kpaayre- 'e -nɔɔ -ge doo.

7 'Duḡ-, 'ka mu ge a pe -yaa' -klanlāne mu 'e 'pegee Pieri ni 'kaa -e 'kan zii' 'ka 'lεε -sɔ Galile. 'Ka

nu a yele 'bhεε- -nɔɔ 'bhii- -a 'gbu 'a -pia 'ka ni ɔɔnε- 'la -gbεεn bhe.»

16:15-16

15 'Bhε 'kpen blaani 'tε, 'ke -ya pele- -o ni dɔɔ: «-Ka ge 'drunyan 'ε 'yi yrεkpen- -nɔɔ, 'ke 'ka ge -Jan 'Nrɛle- 'ε 'wolele mεε mu 'ε 'kpen ni.

16 'Ke mεε 'la zan 'ε -kpaa -a -yi, 'bhεε- 'ke 'bhe zan -dwa -a -la 'ke -wa wiifε -yi ba, 'bhe zan nu gole -za 'yi. 'Duɔ- 'ke mεε 'la zan 'laa 'ε 'kpale- -a -yi, -Waanbhaa' a -kpan 'ε nu baale 'bhe zan ta.

16:19-20

Zesu geyrε -a Dε -Waanbhaa' ba

(Luki 24.50-53; Kleza 1.9-11)

19 Mεεzan Zesu 'yanle- 'bhe -jan mu 'ε 'wolele -o ni, 'ke -Waanbhaa' -a faɔɔɔn- 'ε 'bhe 'a 'sile laanima, 'kee- gele- laflε' 'ε 'yi, 'bhεε- -e -ja yaale -Waanbhaa' -din 'tɔbhɔ ma yaayrε 'ε -nɔɔ.

20 -Yaa' -kɔɔɔn mu 'ε -ja 'tε -Jan 'Nrɛle- 'ε 'wole- yrεkpen- -nɔɔ. Mεεzan Zesu 'yaa- bhɔ 'zi 'mu ba, 'kee- 'sɔle- maza mu kle -sɔ -o gbε zi. 'Bhe klεgbeya 'ε gbεεn- bhe, -e -yaa zɔɔn 'bhii- -yaa' -kɔɔɔn mu 'ε 'wojan- mu 'ε -woo 'ke wlan 'le.